



Bosnia and Herzegovina  
Federation of Bosnia and Herzegovina  
CANTON SARAJEVO  
Institute for Informatics and Statistics

Broj: 26-05-23146-118/19  
Sarajevo, 04.07.2019. godine

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
SKUPŠTINA KANTONA SARAJEVO  
KABINET PREDSEDAVAJUĆEG**

**PREDMET: Odgovor na pitanje zastupnice Bibije Kerla**

Na Devetoj radnoj sjednici Skupštine Kantona Sarajevo, održanoj 19.06.2019. godine, zastupnica u Skupštini Kantona, gđa. Bibija Kerla postavila je sljedeće zastupničko pitanje:

"Isto tako me interesuje da li u Zavodu za informatiku i statistiku KS također postoje uređaji za određena praćenja zastupnika i uposlenika i koja je pravna osnova za sankcionisanje onih koji nelegalno vrše priskuškivanje."

**ODGOVOR:**

Zavod za informatiku i statistiku Kantona Sarajevo je s pažnjom razmotrio dostavljeno zastupničko pitanje, te dostavljamo sljedeći odgovor:

Zavod za informatiku i statistiku Kantona Sarajevo, ne posjeduje nikakvu vrstu uređaja za praćenja zastupnika i uposlenika, niti je posjedovanje i upotreba takvih uređaja u sklopu nadležnosti Zavoda.

Prema članu 25. Zakonu o organizaciji i djelokrugu organa uprave i upravnih organizacija Kantona Sarajevo ("Službene novine KS" br. 7/08, 16/08-ispravka) Zavod za informatiku i statistiku Kantona Sarajevo vrši stručne i druge poslove koji pretežno zahtijevaju primjenu stručnih i naučnih metoda rada i sa njima povezane upravne poslove iz oblasti informatike i statistike, kao i druge poslove, koji se odnose na:

- planiranje i razvoj jedinstvenog informacionog prostora Kantona, Grada Sarajeva i općina na području Kantona, zasnovanog na elektronskoj obradi podataka i usmjerenog prema korisnicima,



- razvoj i upravljanje integralnim računarskim sistemom organa uprave, upravnih organizacija i stručnih službi Kantona, uključujući infrastrukturu, internet i internet prisustvo, elektronsku poštu i elektronsko upravljanje dokumentima,
- analizu, dokumentovanje, optimizaciju poslovnih procesa i razvoj projekata za organe uprave, upravne organizacije i stručne službe Kantona,
- pripremu, izradu nacрта i provođenje programa statističkih istraživanja od interesa za Kanton koji postoje kao obaveza u okviru programa statističkih istraživanja,
- organizovanje i provođenje statističkih istraživanja od značaja za praćenje ekonomskog razvoja Kantona Sarajevo, kao i obradu statističke građe za potrebe Vlade, organa uprave, upravnih organizacija i stručnih službi Kantona, u skladu sa Zakonom o statistici F BiH,
- analizu, obradu, objavljivanje i ažuriranje statističkih podataka, te izdavanje statističkih mjesečnih i godišnjih biltena i godišnjaka Kantona,
- druge poslove koje mu povjeri Skupština Kantona i Vlada Kantona.

Što se tiče samih tehničkih rješenja administracije informacionog prostora Kantona Sarajevo, Zavod koristi sljedeće softvere u zajedničkom IT sistemu organa uprave KS, koji su ujedno povezani na korisničke radne stanice uposlenika:

Lansweeper koji je softver za upravljanje radnim stanicama, programima i mrežni servisima, a namjena navedenog je prvenstveno za efikasno daljinsko upravljanje radnim stanicama. Navedeni softver je integriran u domensku mrežu KS, ovlaštenja u pristupu određenim servisima i samom Lansweeperu su tačno određena imenom i prezimenom administratora.

TMG Web proxy, mrežni softver za regulisanje internet saobraćaja iz zajedničke mreže organa uprave KS ka Internetu. TMG Web proxy je takođe integrisan u domensku mrežu KS, a ovlaštenja administratorima su tačno definisana imenom i prezimenom.

Zimbra mail server je server za elektronsku poštu organa uprave KS. Za mail server su striktno definisana prava administratora sistema.

U vezi s drugim dijelom pitanja, iako ono ne spada u djelokrug Zavoda, odgovor je da je članom 188. Krivičnog zakona FBiH ("Službene novine FBiH", br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17) definisano neovlašćeno prisluškivanje i zvučno snimanje, kao i propisane kazne za vršenje tog krivičnog djela.

Dostaviti:

- Naslovu,
- a/a



DIREKTOR

mr. Dino Šehović

